

2002-12-08
kioskoa**Iban Arregi****Isiltasuna eta helburuak**

«Komunikabideen isiltasuna» aipatzen zuen asteon Fredi Paia egunkari honetako *Hirusta* sailean. Komunikabideek hainbat errealitate ezkutatzeko duten ahalmena salatzen zuen, gutxi gorabehera. Gauza jakina da, eta nabarmen geratu da asteburu honetan ere, Udalbiltzako Batzorde Eragileak antolatu duen Herrien Eskubideen aldeko Nazioarteko Konferentzia dela-eta. Ehun hizlari inguruk dihardute egunotan autodeterminazioaz Donostiako Kursaallean —ostiralean hasi zen eta gaur bukatuko da—, eta tartean dira nazioarteko aditu asko —Hegoafrikatik, Quebecetik, Ipar-Irlandatik... etorritakoak—. Baina egunkari asko *isilik*. **Deia**, **Le Journal du Pays Basque** eta **Gara** egunkariak eskaini dute konferentziaren berri, batik bat azken egunkari horrek. Baina Euskal Herriko beste egunkariak *isildu* egin dute konferentzia. **Diario de Noticias** eta **Diario de Navarra** egunkariak ez zuten aipatu konferentzia ostiralean eta larunbatean, eta Correo Taldeko bi egunkariak ere antzera. **El Correo**-k ez zuen aipatu, eta **El Diario Vasco**-k labur txiki-txiki bat eskaini zion atzo, konferentzia Donostian egiten ari direlako akaso.

«Komunikabideen isiltasuna» inkontzientea izan ohi da tartean-tartean, ia-ia nahigabekoa, aurreikuspen ezak eragindakoa; eta kontzientea askotan, helburu jakin batzuk segitzen dituztelako komunikabideek. Eta helburuez ari garela, Correo Taldearen helburuez idatzi zuen herenegun Alfonso Usiako **Abc**-n: «Correo Taldeak Baskongadetan **Abc**-ren helburu berak defendatzen ditu Baskongadetan: Espainiaren Batasuna, Konstituzioa eta Koroari leialtasuna».

Egunkaria 3.728. zenbakia**Ohorezko Lehendakaria:** Martin Ugalde**Administratzaile Kontseiluko Lehendakaria:** Joan Mari Torrealdai**Kontseilari Ordezkarria:** Inaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Igor Sota**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitate faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com**Batzorde Parekidea:** 72664 E Lege Gordailua. SS 800/90 ISSN 1134-640X
QJDK IKUSKATURIKO HEDAPENA**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabxe Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35,
64100 Baiona Tel.: 559593575 Faxa: 559257511**balkoia****Martxelo Otamendi****Europako herriak gogoan**

ETA Ibarretxeri zuzendu zaion bezain gogor erantzun dio Ibarretxek ETari, Bilboko kaleetan haren aurkako manifestazioa deituz.

Erakunde armatuak Ibarretxeren plana errefusatu zuela eragile politiko guztiek espero zuten gauza zen; besteak beste, plan hori ez dagoelako pentsatuta ETA desaktibatzeke.

Hala ere, kontuan hartzekoa da asteon gertatu den sekuentzia. Asteartean ETak bonba-autoa leherrarazi zuen Santanderren (Espainia), biharamunean ETak agiria kaleratu zuen Ibarretxeren egitasmoaren gaineko balorazioa eginez, eta hurrengo egunean Ibarretxek Bilbon manifestazioa egiteko asmoaren berri eman zuen.

Pentsa lezake bakarren batek denbora dexente zeramala Ibarretxek ETaren aurkako manifestaziorik deitu gabe, eta bere planari *sinesgarritasuna* emateko ondo etor lekiokela manifestazio hori. Baina zeren ondorio da deialdia? Santanderko atentatuarena? ETaren agiriarena? Santanderko atentatuak, bere gogorrean, ez zuen inor zauritu edo hil. Eta agiriak, bere gogorrean hori ere, ez dakar jauzi koalitiborik.

Ia bi hilabete zeramatzan ETak atentaturik egin gabe, eta, itxura guztien arabera, *inaktibitate* horren amaiera baliatu nahi izan du Ibarretxek ETaren aurkako manifestazioa deitzeko.

MANIFESTAZIOA BILBON

ETaren 'inaktibitate'-aren tenpusa baliatu du Ibarretxek herritarrei kalera deitzeko

UDALBILTZA

Europako Herrien Parlamentua sortzea proposatu zuen atzo Nazioarteko Konferentzian

ETaren aurka manifestazioak deitzeko, besterik gabe, nahikoa arrazoi badaudela argudiatuko dute askok, baina *tempus*-ak garrantzia dauka, sekuentziak erakutsi duenez.

Nazioarteko Konferentzia

Zaila dago, zaila dagoenez, euskaldunen arteko elkarlana herri honen etorkizun politikoa bermatzeko. Baina dena konpondu arte itxaron beharrik ez dago beste esparru batzuetan ere lan egiteko.

Nazioartekoa beti izan da garrantzitsua munduan dauden gatazkak konpontzeko, baina gero eta handiagoa da gaur egun duen pisua. Norabide batean edo bestean, ez dago gaur egun nazioarteko komunitatearen esku-

hartzerik ez daukan gatazkarik. Nori komeni zaio normalean nazioarteko *laguntza*? Txikiari, noski. Handiak, berezko ezagutza badaukalako, ez du horren beharrik.

Ez dago Euskal Herria nazioarteko harremanen mapan oso ondo kokatuta, batek eta besteak egindako ahaleginak gorabehera. Herri handien arteko presioek eta mesede trukaketek iragaten oso zaila den sarea osatzen dute, txikiengat oso zirrikitu estua utziz.

Zirrikitu horietako bat baliatu nahi izan du egunotan Udabiltzak antolatu duen Herrien Eskubideen Nazioarteko Konferentziarekin. Egoera bertsuan dauden beste herriei esperientziak trukatu, sare propioa osatu eta aurrerantzean elkarlanerako oinarriak finkatzen jardun dute atzeritik etorritako gonbidatuekin. Denaren beharra izango du euskal diplomaziak, nazioarteari bere kausaren aldeko presioa eginaraztera iritsiko bada.

Ez dugu ahaztu behar PPre presiopean egotzi zutela EAJ bera Internazional Demokristautik. Ezta ere atzerrian autodeterminazioaren aldeko hitzaldiak ematea delitutzat jo izan duela Garzonek. Ez dago gupidarik nazioarteko harremanetan.

Europako Herrien Parlamentua osatzea proposatu zuen atzo Udabiltzak. Kostako da lortzea, baina urratsa garrantzitsua litzateke. Ez guretzat bakarrik, baita Europako herrientzat ere.

martintxo